



UNIVERSITÄTS-
BIBLIOTHEK
PADERBORN

Universitätsbibliothek Paderborn

Expedita Juris Divini, Natvralis, Et Ecclesiastici Moralis Expositio

Tamburini, Tommaso

Coloniæ Agrippinæ, 1665

De Baptismo Adulterum, parag. 3.

urn:nbn:de:hbz:466:1-40132

alendi, & educandi, nec eos vendere regula-
 riter possit, quo pacto essent magno sumptui.
 & labori iis, qui in illos dominium habent:
 Charitas verò non videtur cum tanto in-
 commodo, & onere obligare, dum Infans a
 non est in extrema necessitate, hoc est, in ar-
 ticulo mortis constitutus. Quòd si in hoc, ii,
 qui remittunt, videantur cooperari cum pec-
 cato Infidelium Parentum, tamen excusan-
 tur, quia ex una parte vendere, seu restituere
 Parenti filium, non est res intrinsecè mala;
 & ex alia, satis prædicta incommoda ven-
 dentem excusant, & sic mala sequentia
 merito solis parentibus Infidelibus imputan-
 tur.

a Suar. a-
 pud Bona.
 mox citan-
 dum.

b Suar.
 Henric.
 Vasq. alii-
 que quos
 citat, se-
 quiturque
 Bona. d. 2.
 de bapt. q.
 2. p. 6. nu.
 14.
 c G. Hur-
 tad. d. 3. de
 bapt. diff. 5
 vers. ita
 tamen.

13. Quæ dixi, ex Suario b didici, aliisque.
 Cæterum non videtur huic sententiæ e Hur-
 tadus assentiri: absolute enim edicit, ex Misericordia teneri Dominos, ad non restituendos Infantes Parentibus Infidelibus.

19. Post hæc scripta incidi in d Castropalaum, qui sic habet. Præterea Consuetudine introductum est, sæpè parvulos Saraceno- rum, immò Hæreticorum, captivos vendi, & restitui Parentibus, nullo collato Baptismo, ne ab ipsis Catholicorum filii decineantur. cum gravi Apostasiæ periculo.

§. III.

De Baptismo Adultorum. Vbi de obligatione, quam habet Adultus baptizandus, sciendi Mystera & Præcepta Fidei.

1. CUM Adultus in Religionis electione sit maxime sui juris, posse, immò, & debere, quibuscunque contradicentibus, baptizari, nimis est certum; Solum igitur hic agamus de dispositione, quam ad Baptismum afferre debet: quæ certè quatuor impor-
 tat.

Primò, intentionem suscipiendi hoc Sacramentum.

Secundò actum saltem Attritionis, quo à se removeat obicem peccati.

Tertiò, cognitionem Mysteriorum Fidei.

Quartò, similem cognitionem Præceptorum, ab ipso deinceps servandorum.

Quoniam verò de primis duobus alibi dictum est satis libro 1. de Sacramento in genere, nunc breviter de Tertiò, & Quartò aliquid delibemus.

2. Quoad Tertium ergo. Extra mortis articulum esset mortale, Adultum aliquem baptizare, vel se sinere baptizari, nisi pro sua capacitate cognitionem habeat Mysteriorum Fidei; nam ea debet credere, juxta illud Matth. 11. Qui crediderit, & baptizatus fuerit, salvus erit. At credi non potest id, quod nescitur.

3. Ea verò, quorum cognitio necessaria est, sunt, Quod Deus sit unus, & Trinus, Pater, & Filius, & Spiritus Sanctus. Quod idem Filius Dei, ut nos salvaret factus sit homo, mortem sit passus, resurrexerit, vivatque nunc gloriosus in Cælo, venturusque sit in Mundi fine, præmium æternum, hoc est, beatam vitam Bonis, & Fidelibus redditurus, æternam pœnam Malis: ad quam beatam vitam pervenire non possumus, sine fide, & absque observantia præceptorum Christi. Quæ omnia debet Adultus credere, tanquam à Deo, qui fallere, nec falli potest, revelata. Debet item credere per baptismum se obtenturum gratiam, & amicitiam Dei: ut nimirum sciens, & prudens, se saltem ad attritionem disponat, illamque velit. Rectè autem nota Quintadavennas e in intentione Baptismum suscipiendi involvi hoc ultimum; intentio enim suscipiendi Baptismum nulla esset, si de bapt. sin. Baptismi effectus, id est, amicitia seu reconciliatio cum Deo nullo modo cognoscere-
 tur.

4. Quoad Quartum. Quia quilibet tenetur scire obligationes sui status, & professionis, ideo debet baptizandus, tum præceptorum Decalogi, tum Ecclesiæ, saltem in genere, cognitionem habere. Quare qui extra necessitatem baptizat Adultum sine horum instructione, peccat mortaliter, ut fusè docet Sanchez. f

5. Quamvis autem tantummodò prædicta sint pro suscipiendo baptismo necessaria, tamen urgeat instructor, ut Baptizandus sciat alia Mystera, sciatque Symbolum Apostolicum, Orationem Dominicalem, Salutationemque Angelicam, & decem præcepta, aliaque, quæ de præcepto scienda sunt à Fidelibus, quæque enumerat ibidem Sanchez, & nos breviter collegimus libro 2. in Decal. c. 1. §. 1. Nam post susceptum Baptismum faciliè negligi deinde solet horum notitia.

6. Dixi nu. 2. & 4. Extra necessitatem, mortisque periculum: in necessitate enim, sine prædicto-

c Quint.
 si de bapt. sin.
 gul. 2. §. n. 4.
 f Sanc. lib.
 2. in Decal. c. 3. n.
 24. sine.

dictorum scientia, sed tamen, quando potest, cum generica voluntate credendi, quæ credit Ecclesia, posse licite Baptismum conferri, ac suscipi ab Adulto consentiente, omnes a supponimus. Illud denique hic præterire nolo. Tamen si quilibet, ut colligitur ex dictis §. 1. obligetur baptizari statim, ne se exponat periculo moriendi sine Baptismo, & ut valeat in decursu suæ vitæ cætera Sacramenta suscipere, tamen si forte quis damnatus ad mortem sit Infidelis, & convertatur ad CHRISTUM, poterit differri ejus Baptismus, usque ad locum patibuli, ut sic securius salutem nanciscatur. Ita contra Joannem Sancez, Quintanaduennas b, id pluribus probans; qui addit, hunc decenter baptizatum non posse suscipere Eucharistiam; Sed nos cum eodem Io. Sancez posse docuimus a: b: c, & quidem eodem die, & sufficere una hora ante mortem: nam propterea, ad facilitandam hujus casus praxim, sic corrigere prædictam Quintanaduennæ doctrinam, ut hujus morituri Baptismus differatur, usque ad ultimum diem, atque in illo baptizetur, & post instructionem de Mystério Eucharistiæ, antea aliquot horas mortis, communicetur.

CAPUT IV.

De cognatione spiritali, quæ oritur ex Baptismo.

§. I.

Proponuntur ea, quæ sunt deinceps explicanda.

1. Præmittendum est Primò, Patrimum, vel Matrimum esse eum, vel eam, qui, vel quæ sponder, se habiturum Paternam spirituales curam eius, qui Baptismum est recepturus, in instructione rerum Fidei. Sponder autem tacite; quando baptizatum suscipit, etiam si nihil respondeat.

Hæc autem susceptio, unde Patrinus Susceptor appellatur, & Matrinx Susceptrix, duplici consuevit modo præstari, vel scilicet baptizandum tenendo cum Baptismus administratur, vel eundem suscipiendo à manibus baptizantis, immediatè post Baptismum. Vide quæ dicam §. 4. num. 1.

2. Petes, solemniter baptizare sine Patrino (sub hac voce semper intellige, vel Matrinx,) mortale est?

Respondeo probabilius est, esse mortale d Leand. (ut etiam diximus in Confirmatione,) quia mox fit in re gravi, contra præceptum Ecclesiæ. tando. 1. Esto e Posslevinus apud Leandrum doceat, e Posslevinus non esse mortale, quando parentes sunt Catholicici; & esto, Archangelus apud eundem Leand. d. L. dicat, esse de congruentia.

Dixi (solemniter) nam in Baptismo privato, licet admitti possit, non tamen id esse ex obligatione, non ignoramus cum Suario f. f. Suar. de

3. Præmittendum secundò ex ritu, seu cærimonis Baptismi, ut etiam Confirmationis, oriri inter personas, quæ in illo concurrunt, cognationem spirituales, (quod est unum ex impedimentis matrimonium dirimentibus) hoc est illas personas, nisi dispensationem obtineant, invalidè inter se matrimonium contrahere.

4. Ea autem multipliciter olim oriebatur in jure antiquo, hodie tamen est à Tridentino g ad quatuor dumtaxat Classes personarum restricta. Nam primò contrahitur à baptizato, vel Confirmato cum baptizante, vel Confirmante. Secundò ab eodem baptizato, vel confirmato cum Patrino, vel Matrinx, & Sancez utraque hæc appellatur Paternitas. Tertiò contrahitur à Patrino, vel Matrinx cum Patre, & Matre baptizati, vel confirmati. Quarto à Patre, & Matre baptizati, vel confirmati cum ipso baptizante: & utraque hæc Com-paternitas appellatur.

5. Quoniam autem de prædictis valde quidem minuta, sed certè necessaria, passim asserunt Doctores. Ego, ne confusa evadat Tractatio, ea omnia ad tria Capita reducarn. Primo; Quænam persona possit esse Patrinus? Secundò. Quænam administratio Baptismi requiratur ad ejusmodi cognationem pariendam? Tertiò, Quænam tenendi, seu suscipiendi actio?

§. II.

Quæ persona esse Patrinus possit?

Ut sit rationis Compos.

1. A exercendum munus Patrini, cognationemque contrahendam, Requiritur Primò, ut is usu rationis potiatur: Non ergo Infans, non mente captus, non ebrius; debet enim voluntariè velle facere id, quod instituit

D 3

instituit